



**ZUZENDARITZA-BATZORDEAREN 02/03-2006
AKORDIOA, 2006KO MARTXOAREN 24KOA,
BITARTEKO PLAZAK ESTALTZEKO ETA
HAURRESKOLAK PARTZUERGO PUBLIKOKO
HEZITZAILEAK ORDEZKATZEKO ZERRENDA BAT
EGITEKO ETA ZERBITZUAK BERRIRO BAREMATZEKO**

LEHENENGOA: HELBURUA

- 1.1. Deialdiaren helburua hautagaien zerrenda bakarra egitea da, HAURRESKOLAK Partzuergo Publikoko behin-behineko lanpostuak betetzeko eta hezitzaileak ordezkatzeko, eta zerbitzuak berriro barematzea.
- 1.2. Instrukzio hauen plangintza orokorrean, honako irizpide hauek hartu dira aintzat:
 - a) HAURRESKOLAK Partzuergo Publikoaren eskakizunei erantzungo dien zerbitzu bat ematea, pertsonal hezitzailearen postuak kalitate- eta eraginkortasun-bermeaz betetzeari dagokionez.
 - b) Hautagaien zerrenda bakarra egitea.
 - c) Hautagaiei aldi baterako lan-kontratua egitea.

d) Zerrenda bakar horrekin, kontratupeko lan-pertsonalaren ordezkapenak kudeatzea.

Instrukzio hauen bidez, bi helburu lortu nahi dira: alde batetik, zerrenda hori kudeatzeko zer elementu behar diren zehaztea (sartzeko eskakizun orokorrak, baremazio-irizpideak eta baldintza orokorrak, funtzionamendua...) eta, beste batetik, hautagaien zerrenda horren kudeaketa erraztea, eraginkorragoa eta bateratuagoa izan dadin.

BIGARRENA: KONTRATAZIO-BALDINTZA OROKORRAK

- 2.1. Kontratatutako pertsonalak aldi baterako lan-kontratua sinatuko du HAURRESKOLAK Partzuergoarekin.
- 2.2. Alta egin eta, beharrezkoa izanez gero, Gizarte Segurantzako Erregimen Orokorrean afiliatuko zaie, erregimen horretan aurreikusitako babesaren pean, lan-harremana hasten den egunetik aurrera.
- 2.3. Lanaldi osoko (urtean 1.592 ordu) postuen ordainsari gordina urteko 25.750,00 €-koa izango da, eta lanaldi-erdikoena, lanaldi osoko ordainsariaren kantitate baliokidea, 2006rako eta hurrengo urteetarako dagozkien egunerapenekin.

HIRUGARRENA: HAUTAGAIK BETE BEHARREKO ESKAKIZUNAK

- 3.1. Hautagaiak 3.2. puntuan adierazitako eskakizunak bete behar dituzte, eskaerak aurkezteko epea amaitu baino lehenago.

3.2. Hauek dira deialdian parte hartu ahal izateko eskakizun orokorrak:

a) Europar Batasuneko estatu kide bateko herritarra izatea edo, Europar Batasunak izenpetutako eta Espainiar Estatuak berretsitako nazioarteko itunei jarraituz, langileen joan-etorri askea baimenduta duen estatu bateko herritarra izatea.

Halaber, Europar Batasuneko estatu kideetako herritarren ezkontideek ere parte hartzeko aukera izango dute, betiere, senar-emazteak zuzenbidez bananduta ez badaude. Horrez gain, estatu kideetako herritarren ondorengoek ere parte hartu ahal izango dute, bai eta haien ezkontideenek ere, betiere, senar-emazteak zuzenbidez bananduta ez badaude, ondorengoak hogeita bat urtetik beherakoak badira edo, adin horretatik gorakoak izanda, gurasoen kontura bizi badira.

b) Hamazortzi urte beteta izatea eta nahitaezko erretiroko adina ez izatea.

c) Egin beharreko funtzioak normaltasunez garatzea eragozten ez dituen gaixotasunik edo urritasun fisiko edo psikikorik ez izatea.

d) Hutsegite larria edo hutsegite oso larria egin izanagatik edozein Administrazio Publikoren diziplinako espedientearen zigorrik ez izatea, eta zerbitzutik bereizita edo eginkizun publikoak betetzeko ezgaituta ez egotea.

LAUGARRENA: PROZESUAN PARTE HARTZEKO ESKAKIZUN OROKORRAK

4.1. Titulu akademikoak:

a) HAURRESKOLAK Partzuergo Publikoko postuetarako hautagaien zerrendan sartzeko, ezinbestekoa izango da Haur Hezkuntzako Maisu-maistra titulua, Haur Hezkuntzako Goi Mailako Teknikari

titulua edo Hautzaindegiko Teknikari Espezialista titulua izatea edo tituluaren agiria izateko eskubideak ordainduta izatea, edo dagokion gaikuntza edo homologazioa izatea.

Eskatutako tituluren baten akreditaziorik ez duten edo tituluaren agiria izateko eskubideak ordainduta ez dituzten eskaerak ez dira kontuan hartuko.

Titulu akademikoak konpultsatutako fotokopien bidez egiaztatu beharko dira, edo dokumentuaren originala eta fotokopia aurkeztuta, erkatu ahal izateko.

- 4.2. Hezkuntzako 2. hizkuntza-eskakizuna, EGA edo antzekoa izatea (informazio gehiagorako, ikus 263/1998 Dekretua, urriaren 6koa, 1998ko urriko 23ko 202. EHAAn).

Euskara-titulua konpultsatutako fotokopien bidez egiaztatu beharko da, edo dokumentuaren originala eta fotokopia aurkeztuta, erkatu ahal izateko.

Aurretik adierazitako bi eskakizunak (titulu akademikoak eta Euskara-titulua) bete beharrekoak izango dira zerrendetan sartu nahi duten hautagai guztientzat, zerrendak irekitzen direnean, eta eskaerak aurkezteko epea amaitzen denerako izan beharko dituzte.

BOSGARRENA: BAREMAZIO-IRIZPIDEAK ETA FROGATZEKO DOKUMENTUAK

- A) Pertsonal berriaren hautatzeko, honako baremo honi jarraituko zaio:

5.1. Esperientzia.

- a) Haurreskolak Partzuergoko zentroetan hezitzaile gisa emandako zerbitzuak: 0,01 puntu, lan egindako egun bakoitzeko.

Lanaldi-erdiko erregimenean emandako zerbitzuak lanaldi osoko zerbitzuen puntu berekin barematuko dira.

- b) Baimendutako Haur Hezkuntzako zentroetan edo haurtzaindegietan Haur Hezkuntzako hezitzaile gisa, Haur Hezkuntzako maisu-maistra gisa edo antzeko eginkizunetan emandako zerbitzuak: 0,15 puntu 3 hilabeteko aldi bakoitzeko (gehienez, 4 puntu). 3 hilabetetik beherako denboraldiak ez dira kontuan hartuko.

Xede horretarako, 90 eguneko aldia hartuko da hiruhilekotzat.

Data berean zerbitzuak bi zentrotan edo gehiagotan eman izanez gero, puntuaziorik aldekoena soilik hartuko da aintzat.

Haurreskolak Partzuergoko zentroetan emandako zerbitzuak argudiatu egin beharko dituzte hautagaiek, eta **lan-bizitzaren agiria**ren bidez egiaztatu; agiri horrek eskaerak aurkezteko epea hasten denerako eguneratuta egon beharko du.

Partzuergokoak ez diren zentroetan emandako zerbitzuak egiaztatzeko, eskaerak aurkezteko epea hasten denerako eguneratutako **lan-bizitzaren agiria** eta **enpresa kontratatzailearen ziurtagiria (ez da kontraturik onartuko)** aurkeztu beharko dira; enpresaren ziurtagiriak dagokion hautagaiak Haur Hezkuntzako eginkizunak hezitzaile kategoriarekin egin dituela egiaztatuko du.

Partzuergokoak ez diren zentroetako esperientzia egiaztatzeko eskatutako bi dokumentuak (lan-bizitzaren agiria eta enpresaren ziurtagiria) aurkezten ez dituzten hautagaiei ez zaizkie zentro horietako esperientziari dagozkion puntuak kontuan hartuko.

5.2. Titulu akademikoa.

- Haur Hezkuntzako espezialitateko maisu-maistra..... **2 puntu**
- Edozein espezialitatetako eta Haur Hezkuntzarako gaitutako maisu-maistra..... **2 puntu**

- Haur Hezkuntzako goi-mailako teknikaria..... **2 puntu**
- Haurtzaindegiko teknikari espezialista..... **2 puntu**
- Gaikuntza/Homologazioa..... **1 puntu**
- Horrez gain, honako lizentziatura hauetakoren bat duten hautagaiei **puntu bat** gehiago emango zaie, lizentziatura konputagarri bakoitzeko: Psikologia, Pedagogia eta Psikopedagogia. Hezkuntzarekin lotutako diplomaturaren bat duten hautagaiei **0,5 puntu** gehiago emango zaie, diplomatura konputagarri bakoitzeko.

5.2. atalaren bidez, 3 puntu lor daitezke, gehienez.

5.3.- Eskatutako tituluen ikasketa-ziurtagiria (4.1. atala).

Hezitzaile batek bi titulu izanez gero (Haur Hezkuntzako Maisu-maistra, Haur Hezkuntzako Goi Mailako Teknikaria edo Haurtzaindegiko Teknikari Espezialista), puntu-kopuru gehien ematen duen ikasketa-ziurtagiria hartuko da titulu-eskakizuntzat.

Ikasketa-ziurtagirian espedienteko batez besteko nota adierazten bada, horixe hartuko da, edozein kasutan. Espedienteko batez besteko nota ez bada agertzen, eta irakasgai bakoitzeko kalifikazioa idatziz adierazita badago, honako baliokidetasun hauek aplikatuko dira:

Ohorezko matrikula - 10, Bikain - 9.5, Oso ongi - 8, Ongi - 6.5, Nahiko, Baliozkotuta, Gai - 5.5

Batez besteko notaren eta taula honen arabera, nota bakoitzari dagokion puntuazioa esleituko da:

9 eta 10 bitartean.....	1 puntu
7 eta 8.999 bitartean	0.75 puntu
6 eta 6.999 bitartean	0.50 puntu
5 eta 5.999 bitartean	0.25 puntu

Ikasketa-ziurtagiri pertsonala aurkeztu ezean eta, horren ordean, tituluaren edo tituluaren agiria izateko eskubideen ordainagiriaren fotokopia konpultsatua aurkezten bada, nahikotzat hartuko da hautagaiaren batez besteko nota.

B) Berbaremazioa:

Halaber, Partzuergoan lan egiten ari diren hezitzaileek edo aurreko bi deialdien ondoriozko behin betiko bi zerrendetako batean daudenek zerrenda bateratu berrian jarraituko dute, aurretik zuten puntu-kopuruari eutsita. Hezitzaile horiek beren zerbitzuak berriro barematzeko eska dezakete (Partzuergoan edo beste haur-eskola batean beste esperientzia bat izateagatik edo beste titulu konputagarri bat izateagatik), hurrengo atalean ezarritako epean; esperientzia eta titulu horiek 5.1. eta 5.2. ataletan xehatutako irizpideen arabera barematuko dira. Halaber, eskaerak aurkezteko emandako epean, lanaldi- eta lurralde-akereki dagokienez Partzuergoan egun dauden datuak aldatzeko aukera izango dute.

SEIGARRENA: ZERRENDAK EGITEKO PROZEDURA ETA BALDINTZAK

6.1. Prozedura.

6.1.1. Eskaerak aurkezteko lekua: Haurreskolak Partzuergoaren egoitza.

6.1.2. Epeak: eskaerak aurkezteko, apirilaren 3 eta 12 bitartean, biak barne.

6.1.3. Aurkezteko modua: eskaerak erantsitako dokumentuan aurkeztu eta agirien **bina ale** eman beharko dira.

6.2. Baldintza orokorrak: hautagaien zerrenda bakarra egingo da.

6.3. Puntuazio bakarra eta hautagaien ordena.

Puntuazioa instrukzio hauetan adierazitako baremoa ezarrita lortu ondoren, puntuaziorik handienetik txikienera ordenatuko dira hautagaiak, zerrenden barruan.

6.4. Puntuazio-berdinketak hausteko irizpideak.

Puntuazioen guztizkoan berdinketaren bat gertatuz gero, honako hauek kontuan hartuta desegingo da:

- 5.1. ataleko puntu-kopururik handiena.
- Berdinketak jarraituz gero, 5.1.a) ataleko puntuaziorik handiena hartuko da.
- Berdinketak jarraituko balu, 5.2. ataleko puntuaziorik handiena hartuko da.
- 5.3. atalean eskatutako tituluen ikasketa-ziurtagiria.

Horren guztiaren ondoren, berdinketak iraungo balu, hura hausteko azken irizpide gisa, abizenen eta izenaren ordena alfabetikoa erabiliko da. Letra bat zozketatuko da, horretatik aurrera puntuazio bera duten hautagaiak alfabetikoki ordenatzeko.

6.5. Denbora-iraunaldia.

Deialdi honen ondorioz sortzen den zerrenda bateratuak aurreko zerrendak ordezkatzeko ditu: alde batetik, aurreko bi deialdien ondoriozko bi zerrendak (zerrenda horietan dauden hautagaiak eta egun Partzuergoan lanean ari direnek zerrenda berrian jarraituko dute) eta, beste batetik, deialdi hau egin bitartean ordezkapenak betetzeko 2006ko otsailaren 21ean irekitako behin-behineko zerrenda (horretako hautagaiak izena eman beharko dute zerrenda bateratu berrian).

2006ko irailaren 15etik aurrera, behin betiko irekita geratuko dira hautagai berrien zerrendak. Zerrenda ireki horiek eskaera eta dokumentuak zuzen aurkeztean izandako ordenaren arabera

antolatuko dira, eta urtero barematuko dira haien esperientzia eta tituluak, gainerako hautagaiekin batera.

José Antonio Campos Granados
Partzuergoko Lehendakaria

Maitte Larrañaga Orbea
Partzuergoko Idazkaria



1. ERANSKINA: ZERRENDAN SARTZEKO ESKAERA
HAURRESKOLAK Partzuergo Publikoan lanpostuak eta ordezkapenak aldi baterako betetzeko deialdia

1. **Datu pertsonalak:**

ABIZENAK		IZENA	
NAN	Bi aldeen fotokopia	Zk.	
JAIOTZE-DATA		Tel.	
HELBIDEA		Sakel.	
HERRIA		LURRALDEA	
PK			

2. **Lurraldea:** bat baino gehiago markatzeko aukera dago.
 3. **Lanaldia:** bi aukerak markatzen badira eta lanaldi-erdiko postua edo ordezkapena eskainiz gero, eskaintza onartu beharra dago.

	LANALDI OSOA	LANALDI PARTZIALA
ARABA		
BIZKAIA		
GIPUZKOA		

4. **Eskakizunak:** Markatu gurutze batez.

Haur Hezkuntzako Maisu-maistra	
Haur Hezkuntzako Goi Mailako Teknikaria	
Haurtzaindegiko Teknikari Espezialista	
Homologazioa/Gaikuntza	

2. hizkuntza-eskakizuna	Bai	
-------------------------	------------	--

5. **Baremoa. Lan-esperientzia:** Haur Hezkuntzako lan-esperientzia soilik hartuko da kontuan.
 b) kasuan, erantsi ziurtagiria.

A) Partzuergoan		B) Bestelako zentroetan	
	EGUNAK		HIRUHILEKOAK

6. **Titulu akademikoa:** Markatu gurutze batez. Erantsi kopia konpultsatua. 3 puntu, gehienez.

Haur Hezkuntzako Maisu-maistra	
Haur Hezkuntzako Goi Mailako Teknikaria	
Haurtzaindegiko Teknikari Espezialista	
Gaikuntza/Homologazioa	
Psikologoa	
Pedagogoa	
Psikopedagogoa	
Hezkuntzarekin lotutako beste diplomatura bat	

7. **Espediente akademikoa:** Erantsi fotokopia konpultsatua.

GUZTIRA	
----------------	--

Data eta sinadura



DOCUMENTACIÓN PRESENTADA / AURKEZTUTAKO DOKUMENTAZIOA

Nombre y apellidos/ Izen-abizenak

- | | |
|--|--------------------------|
| Datu Pertsonalak / Datos Personales (NAN-DNI) | <input type="checkbox"/> |
| Titulu akademikoak / Titulación académica | <input type="checkbox"/> |
| Hizkuntza Eskakizuna / Perfil Lingüístico | <input type="checkbox"/> |
| Frogatutako lanbide-datuak / Experiencia laboral
Lan-bizitzaren agiria / Vida laboral | <input type="checkbox"/> |
| Enpresa kontratatzailearen ziurtagiria / Certificado de la Empresa | <input type="checkbox"/> |
| Ikasketa-espedientea / Expediente académico | <input type="checkbox"/> |

Fecha registro / Erregistro-data



2. ERANSKINA: BERRIRO BAREMATZEKO ETA/EDO AUKERAK ALDATZEKO ESKAERA

1. Datu pertsonalak:

ABIZENAK		IZENA	
NAN	Bi aldeen fotokopia	Zk.	
JAIOTZE-DATA		Tel.	
HELBIDEA		Sakel.	
HERRIA		LURRALDEA	
PK			

2. **Lurraldea:** bat baino gehiago markatzeko aukera dago.
3. **Lanaldia:** bi aukerak markatzen badira eta lanaldi-erdiko postua edo ordezkapena eskainiz gero, hura onartu beharra dago.

Ezarritako aukerak aldatzeko eskaera egiten bada soilik bete behar dira bi atal horiek.

	LANALDI OSOA	LANALDI PARTZIALA
ARABA		
BIZKAIA		
GIPUZKOA		

4. **Baremoa. Lan-esperientzia:** Haur Hezkuntzako lan-esperientzia soilik hartuko da kontuan. b) kasuan, erantsi ziurtagiria.

A) Partzuergoan	B) Bestelako zentroetan
EGUNAK	HIRUHILEKOAK

5. **Titulu akademikoa:** Markatu gurutze batez. Erantsi kopia konpultsatua. 3 puntu, gehienez.
Titulazio berriak soilik aurkez daitezke (aurretik barematu gabekoak)

Haur Hezkuntzako Maisu-maistra	
Haur Hezkuntzako Goi Mailako Teknikaria	
Haurtzaindegiko Teknikari Espezialista	
Gaikuntza/Homologazioa	
Psikologoa	
Pedagogoa	
Psikopedagogoa	
Hezkuntzarekin lotutako beste diplomatura bat	

Data eta sinadura